

Sarkina Bt Mat Saad @ Shaari

From: Unit Komunikasi Korporat
Sent: Tuesday, August 14, 2018 9:23 AM
To: UUM - All Staff; UUM - All Students
Subject: APYS 2018 Perkasa Pemimpin Belia Untuk Hadapi Cabaran IR4.0



14 OGOS 2018 / 2 ZULHIJAH 1439H

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh Mohd Amir Aizat Sainon
Gambar oleh: Abdul Halim Husain

APYS 2018 PERKASA PEMIMPIN BELIA UNTUK HADAPI CABARAN IR4.0



UUM ONLINE: Kuala Lumpur, 12 Ogos - Bagi memperkasa pemimpin-pemimpin belia khususnya dalam mendepani cabaran Revolusi Industri 4.0 (IR 4.0), Beta Gamma Sigma (BGS) Chapter UUM mengambil inisiatif menganjurkan 1st Asia Pacific Youth Leadership Summit 2018 (APYS 2018) mulai 11 hingga 16 Ogos.

Sidang kemuncak yang julung kali dianjurkan itu mengambil tema "Empowering Youth Initiatives in Fronting IR4.0 Challenges," selaras dengan isu-isu penting yang timbul bersama kemunculan IR4.0.

Perasmian APYS 2018 telah disempurnakan oleh Naib Canselor, Prof Dato' Seri Dr Mohamed Mustafa Ishak.

Naib Canselor berkata, kepantasan, keluasan dan kedalaman IR4.0 memaksa generasi muda hari ini memikirkan semula perkembangan semasa negara dan bagaimana setiap organisasi mewujudkan nilai bagi menghadapi perubahan ini.

"Big data, Internet of Things, nanoteknologi, kereta tanpa pemandu (autonomous cars), pengkomputeran kuantum, robotik, kecerdasan buatan (A.I) dan realiti maya adalah antara komponen IR4.0 yang harus difokuskan oleh golongan belia.

"Justeru, golongan muda perlu bergerak pantas dalam mengenal pasti peluang-peluang baharu yang muncul, mencipta semula diri dengan mempelajari kemahiran baharu untuk menyesuaikan diri dengan perubahan teknologi yang pesat berkembang," katanya ketika berucap pada majlis perasmian APYS 2018 di EDC Hotel Kuala Lumpur.

"Saya berharap para peserta akan mendapat manfaat daripada perkongsian pengalaman dan pengetahuan daripada penceramah terkenal mengenai belia dan IR4.0 pada sidang kemuncak ini," ujar beliau.

Antara penceramah yang dijemput bagi berkongsi pengalaman di APYS 2018 adalah Ketua Pegawai Eksekutif, PKT Logistics Group Sdn Bhd, Dato Michael Tio; Pengurus Negara Malaysia Qatar Airways, Dato Muzammil Mohamad; Pengarah Sumber Manusia Kluster (Singapura, Thailand, Filipina, Malaysia & Brunei) Pfizer, Shazmi Ali; Ketua Pegawai Modal Insan Maybank, Nora Abdul Manaf, En Azli Mohamed Ketua Pegawai Strategi Malaysia Airports Holdings Berhad dan Puan Alia Talib Pengarah Urusan GRADUAN

Dato Michael Tio turut dilantik menjadi Ahli Kehormat sulung BGS Chapter UUM dan menyampaikan ucap tama pada majlis tersebut.

APYS 2018 menarik penyertaan seramai 110 pelajar dari negara seperti Thailand, Indonesia, Yaman di samping Malaysia.

Sidang kemuncak ini menjadi platform untuk para peserta berkomunikasi, berkongsi idea secara terbuka dan mempelajari perkara-perkara baharu terutamanya dalam menerima cabaran dan manfaat yang dibawa oleh IR 4.0 agar mereka bersedia dan mampu untuk turut serta dalam revolusi berkenaan.

Sebelum itu, para peserta APYS 2018 turut diraikan dalam Majlis Makan Malam yang menyaksikan seorang mahasiwa, Elshabyta Auditya Bintarto menerima biasiswa tajaan pengajian, Mustafa Ishak Scholarship Award yang disampaikan oleh Naib Canselor sendiri.

DARIPADA:
UNIT KOMUNIKASI KORPORAT
UNIVERSITI UTARA MALAYSIA
☎ 04-928 3048/3049/3052/3061
☎ 04-928 3053
✉ ukkuum@uum.edu.my
f Universiti Utara Malaysia (Official FB)



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.